

2142



№ 57
I

ՀԱՅ ԱՐՈՒԵՍՏԱԳԵՏՆԵՐԻ
ՄԻՈՒԹԻՒՆ

1916—17

Տարեշրջանի գործունեութեան

ՏԵՂԵԿԱԳԻՐԸ

13357

ԹԻՖԼԻՍ

Տպարան-Դպրոց «ՀՐԱՏԱՊ» Տ. Նազարեանի

1917



ՀԱՅ ԱՐՈՒԵՍՏԱԳԵՏՆԵՐԻ
ՄԻՈՒԹԻՒՆ

1916—17

Տարեշրջանի գործունեության

ՏԵՂԵԿԱԳԻՐԸ

1917

Թ Ի Ֆ Լ Ի Ս



13357

47
17
40

ՀԱՅ ԵՐՈՒՆՍՏԱԳԻՏՆԵՐԻ ՄԻՈՒԹԵԼՆ ՎՈՐԶՈՒԹԵԼՆ
ԶԵԿՈՒՅՈՒՄԸ 1916—17-ի ԳՈՐԺՈՒՆԵԹԵԼՆ
ՄԱՅԻՍԻ 20-ի ԸՆԴՀԱՆՈՒՐ ԺՈՂՈՎԻՆ

Ա.— Միութեան ճիւղումը եւ բացումը.

Կովկասահայոց մէջ գրականութիւնը, երաժշտութիւնը, թատրոնը ունէին արդէն իրանց հոգածու մարմինները եւ պրօֆեսիօնալ շահերը պաշտպանող հաստատութիւնները, այսինքն Հայ Գրողների Ընկերութիւնը, Հայ Գրասէջների Ընկերութիւնը (Բագու), Երաժշտական եւ Դրամատիք. Ընկերութիւնները: Պլաստիք արուեստները, նըկարչութիւնը, արձանագործութիւնը եւ ճարտարապետութիւնը, ինչպէս եւ ձեռարուեստը՝ մնացել էին բաց, չունէին մի ազգային հաստատութիւն, որը կարողանար ուղղակի կերպով հոգ տանել նրանց ծաղկումին եւ առաջադիմութեան: Ահա 1913 թուականին՝ աշնանը Թիֆլիսում գտնւող հայ արուեստագէտներից մի խումբակ միտք յղացաւ հիմնել մի նոր ընկերութիւն, մի քանի խորհրդակցական նիստում մշակեց կանոնադրութիւնը, որը եւ յանձնուելով պատշաճաւոր իշխանութեան, հաստատուեց 1916 փետրւարին: Հիմնադիր անդամներն են՝ Եղիշէ Թադէոսեան, Փանոս Թէրլէմէզեան, Գարեգին Լևոնեան, Սարգիս Խաչատրեան, Լևոն Հազարապետեան, Գրիգոր Շարբաբէեան, Դաւիթ Զիսլեան, Մարտիրոս Սարեան, Վարդգէս Սուրէնեանց:

Միութեան բացումը եւ առաջին հանդիսաւոր ընդհանուր ժողովը տեղի ունեցաւ նոյն 1916 թուի մայիսի 1-ին Արտիստական Ընկերութեան դահլիճում, նախագահութեամբ պ. Շիրվանզադէի եւ ներկայութեամբ բազմաթիւ հան-

դիտականները: Հիմնադիր անդամները թէ տեղական մամուլի մէջ յայտարարել էին, և թէ տոնանձին հրաւիրաթերթեր էին ուղարկել թէ քաղաքումս գտնուող և թէ օտար բեղացի համարեա բոլոր հայ նկարիչներին, արձանագործներին և ճարտարապետներին, որպէսզի ներկայ գտնուին առաջին ընդհանուր ժողովին, կամ նամակով յայտնեն իրանց համաձայնութիւնը Միութեանս մէջ մտնելու համար: Բոլոր այդպիսիները ըստ կանոնադրութեան § 14-ի ծանօթութեան, հիմնադիրների հետ միասին իրաւունք ունէին լինելու Միութեան իսկական անդամ առանց քուէարկութեան: Ժողովին ներկայ էին և անդամագրուեցին բացի հիմնադիրներից հետեալ արուեստագէտները.—

Նկարիչներ Վրթանէս Ախիկեան, Ստեփան Գաբայեան, Սարգիս Երկաճեան, Ս. Թայիրեան, Միք. Խոնուռնց, տիկ. Մելիք Կարազեօղեան, Գր. Միսնասրեան, Աղ. Միրզոյեան, Հմ. Յակոբեան, Արս. Շահմագեան, Եղ. Պատկանեան: Ծառաւորներ.— Մ. Աբխողովեան, Այվազեան, Պ. Զուրաբեան, Հ. Կարապետեան, Գ. Հալաճեան Գ. Տէր-Միքայէլեան, Կ. Մարգարեան:

Արձանագործներ.— Գ. Կեպինեան. ընդամենը 19 հոգի, հիմնադիրների հետ միասին 28 հոգի. զբաւոր կերպով ցանկութիւն էին յայտնել անդամագրուելու Թիֆլիսից՝ արձանագործ Միք. Միքայէլեան, Ալէքսանդրապօլից՝ ճարտարապետ Թ. Թօրամանեան, Ախալցխայից նկարիչ Վահր. Գայֆէճեան, Պարիզից արձանագործ Տէր-Մարութեան, Թիֆլիսից ճարտարապետ Քրիստափոր Տէր-Սարգսեան և ուրիշներ, որով իսկական անդամների թիւը հասաւ 39-ի և նոր անդամների ըն-

դունելութիւնը փակուեցաւ մինչև յաջորդ տարեկան ընդհանուր ժողովը: Նոյն օրը ժողովի ժամանակ օժանդակիչ անդամներ գրուեցին Խաչատուր և Եղիսաբէթ Աֆրիկեաններ, պ. պ. Համբ. Մելիքեան, Գարեգին վարդապետ, Շիրվանզադէ, Յովհ. Թումանեան, Համ. Առաքելեան, Գէորգ Աբուլեան, տ. Հ. Մարտիրոսեան, Իւլիա Սպէնդիարեան, Բէրբէրեան ամուսիններ, Լ. Ղուկեան, Ի. Թայիրեան. Գ. Էդիլեան, բժշկ. Զարգարեան, Մ. Մատենճեան: Տարուայ ընթացքում օժանդակիչ անդամների թիւը հասաւ 45-ի, որոնց ցանկը տպուած է տեղեկագրի մէջ: Այսպիսով Հայ Արուեստագէտների Միութեան բացումը և անդրանիկ ընդհանուր ժողովը ընդհանրապէս թողեց լաւ տպաւորութիւն. եղան շնորհաւորանքներ, թէ անձամբ և թէ նամակներով որոնց մասին յիշուած է ժողովի արձանագրութեան մէջ:

Բ.— Վարչութեան նիստեր եւ խառն խորհրդակցական ժողովներ.

Հայ Արուեստագէտների Միութեան վարչութիւնը իր առաջին նիստը գումարեց նոյն օրը, մայիսի 1-ին, ուր և ընտրուեցին՝ նախագահ Ե. Թադէոսեան, փոխ-նախագահ՝ Դ. Զիսլեան, քարտուղար Գ. Լևոնեան, զանձապահ Գ. Շարբաբէան: Վարչութիւնը անցեալ տարեշրջանում, այսինքն 1916 թուի մայիսի 1-ից մինչև այս տարուայ ապրիլի 30-ը ունեցել է 32 նիստ: Վարչութեան անդամները ներկայ են եղել այդ նիստերում՝ Գ. Լևոնեան 28 անգամ՝ Ե. Թադէոսեան 27, Գ. Շարբաբէան 24, Դ. Զիսլեան 21, Թէրլէմեզեան 18. փոխանդամներից՝ Մ. Սարեան 6, Մ. Խոնուռնց 6. Վերաստուգիչի անդամներից՝

Վ. Ախիկեան 18, Ս. Խաչատրեան 18. Բացի վարչական նիստերից եղել են խառն նիստեր ևս, Թիֆլիսում գտնուող իսկական անդամների ներկայութեամբ, որտեղ քննութեան են առնուած մի քանի պատասխանատու խնդիրներ, ինչպէս ցուցահանդէսի ժիւրիի ընտրութիւն, արտաքին յարաբերութիւններ, ընկերութեան համար վարձուելիք շէնքի մասին կային:

Գ.— Դասախօսութիւններ.

Վարչութիւնս անցեալ տարեշրջանում դասախօսութիւնների գործը անկարող եղաւ լաւ կազմակերպել յարմար ազատ լսարան չունենալու պատճառով. միայն մի դասախօսութիւն տարքեց Երաժշտ. Ընկերութեան դահլիճում. Միութեան իսկական անդամ Վարդգէս Սուրէնեանցը դասախօսեց կլասիք գեղարուեստի մասին:

Դ.— Հայ ոնի տարածումը.

Անցեալ տարեշրջանում Վարչութիւնս նկատի առնելով որ Թիւրքահայ փախստական հայուհիները Թիֆլիսում շքեղ ձեռագործի արհեստանոց են բաց արել և պէտք ունին հայկական ոճի օրինակների և նմուշների, մի շարք նկարներ և օրինակներ պատրաստեց և տուեց այդ արհեստանոցը հովանաւորող տ. Թայիրեանին և ձեռարուեստի վարժուհի օր. Մելեանին: Բացի այդ, երբ Վասպուրականի արծաթագործ վարպետները ցուցադրում էին իրենց աշխատանքները, Վարչութիւնը գնում էր այնտեղ իր ամբողջ կազմով և ցուցումներ ու դիտողութիւններ էր անում թէ անձամբ խօսելով և թէ մամուլի մէջ հրապարակ գալով:

Կ.— Ցուցահանդէս.

Վարչութիւնս դեռ իւր գործունէութեան առաջին օրերում որոշեց Թիֆլիսում բաց անել Միութեան անդրանիկ ցուցահանդէսը, բայց երկար ժամանակ չէր գտնում յարմարաւոր շէնք այդ նպատակի համար: Օր առաջ թէ մամուլի մէջ յայտարարութիւններ տպագրելով և թէ բոլոր հեռու և մօտիկ գտնուող հայ արուեստագէտներին շրջաբերական գրութիւններ ուղարկելով հրաւիրում էր մասնակցել կազմակերպւելիք ցուցահանդէսին:

Վերջապէս այս տարուայ փետրուարին գտնուեց յարմարաւոր շէնք, միայն թէ գիշերային լուսաւորութեամբ, Գօլօվինսկի պրոսպեկտի վրայ գտնուող եղբայրք Միլեանների առևտրական տունը՝ որը պատահաբար ազատ էր: Ճանապարհների անկանոն վիճակը և մանաւանդ արտասահմանի հետ ամեն հաղորդակցութեան կտրուած լինելը հնարաւորութիւն չը տուին անդրանիկ ցուցահանդէսը աւելի հարուստ կազմակերպելու, բայց և այնպէս չը նայելով բոլոր այս դժուարութիւններին, փետրուարի 5-ին յաջողուեց բանալ ցուցահանդէսը բազմաթիւ հանդիսականների և պաշտօնական այցելուների ներկայութեամբ: Ցուցահանդէսին մասնակցում էին 55 հոգի, որոնք ցուցադրել էին նկարչական, ճարտարապետական և արձանագործական ու գրաֆիկ արուեստների աշխատանքները մօտ 350 կտոր: Ցուցահանդէսին մասնակցում էին և օտարազգի արուեստագէտներ, թ. ով 9 հոգի:

Որպէզի մատաղ սերնդի գեղարուեստական զարգացման նպատած լինի Վարչութիւնս հրաւերներ ուղարկեց տեղական հայ միջնակարգ եր-

կու սեռի բոլոր դպրոցներին, աշակերտութեանը ձրիաբար բերել ցուցահանդէսին:

Ընդհանուր առմամբ 28 օրուայ ընթացքում (փակուեց մարտի 5-ին) ցուցահանդէս աւելցելոյնների թիւը հասաւ մօտ 15,000-ի: Յուշահանդիսում վաճառուեց 100-ից աւելի գործեր, որոնց արժէքը մօտ 18,000 ռուբլի: Միութեան անդամների վաճառուած գործերից 10% իսկ ոչ անդամներից 15% պահուեց Միութեան օգտին:

Յուշահանդէսը թէ նիւթապէս և թէ մանաւանդ բարոյապէս մեծ չափով բարձրացրեց հասարակութեան աչքում մեր մատաղ ընկերութեան անունը: Վարչութիւնս լիայոյս է յաջորդ տարիներում աւելի արժանի երեւալ թէ ընկերութեան կոչումին և թէ մամուլի ու հասարակութեան միահամուռ խրախուսանքին:

Ծանօթ.—Յուշահանդէսի բացման օրը երեկոյեան Միութեանս օժանդակիչ անդամ Բէրբէրեան ամուսինները թէյի սեղան սարքեցին հրաւիրելով ցուցահանդէսին մասնակցող բոլոր արուեստագէտներին, ինչպէս նաև պ. պ. Շիվանդադէին, Յով. Թումանեանին և այլ գրողների ու մանկավարժների. թէյի սեղանի շուրջն եղան ողջոյններ, բարեմաղթութիւններ և շնորհաւորանք:

Յուշահանդէսի փակման առթիւ փետրուարի 15-ին մի բանկէտ կազմակերպուեց, հրաւիրելով իր օժանդակից անդամներին, Վրաց Նկարիչների Ընկերութեան նախագահին և քաղաքագլխին ու քաղաքային վարչութեան անդամներին: Բանկէտը կառավարում էր պ. Ա. Խաթիսեան. հացակիրոյթի միջոցին պր. Միլեան ընծայեց այն 1000 ռուբլի գումարը, որ պէտք է ստանար ցուցահանդէսի շէնքի համար. գումարն էր ընծայեցին նոյնպէս և այն անձինք, որոնց անունները յիշատակուած են ընդհանուր նուիրացուցակի մէջ. իսկ պ. Հ. Ս. Մելիքեան խոստացաւ 5000 ռուբլի տալ Հայ Արուեստագէտների շէնքի ապագայ ֆօնդին:

2.—Դրադարան.

Միութեանս ջանքերից մէկն էլ եղել է թէ իր անդամների և թէ ուսումնասէրների համար հիմք դնել մի գեղարուեստական գրադարանի, ուր հաւաքուած կը լինին պլաստիք արուեստների վերաբերող հայ թէ օտար հրատարակութիւններ, ալբոմներ և այլն, սակայն ոչ միայն մշտական շէնք չունենալու, այլ և ժամանակաւոր մի գրասենեակ, մի դիւան չունենալու պատճառով այդ խնդիրը առժամանակ յետաձգուած է աւելի բարեյաջող հանքամանքների: Զը նայելով դրան, Միութեան անդամներից պ. պ. Շարբարչեան, Թադէոսեան, Լեւոնեան, Վահանեան ցանկութիւն են յայտնել այդ նպատակին նուիրաբերել գրքեր և գեղարուեստական հանդէսներ:

Է.—Հրատարակութիւններ.

Մեր ընկերութեան կանոնադրութեան § 3-ի դ. կէտը իրաւունք է տալիս գեղարուեստական հրատարակութիւններ լոյս ընծայել. ալբոմներ, գրքեր, հանդէսներ. բայց ներկայ ժամանակում, երբ թղթի և տպագրութեան գները սոսկալի չափերով բարձրացուած են, և Միութիւնս էլ մինչև ցուցահանդէսի բացումը դեռևս միջոցներ չունէր այդպիսի ծախքեր անելու, այս անգամ բաւականացաւ միայն լուսանկարել տալ առաջին ցուցահանդէսում ցուցադրուած գործերից մօտ 50 հատ, (Եւրաքանչիւր արուստագէտից 1—3 դործ), որպէս զի երբ պատերազմը վերջանայ և մատչելի դառնան տպագրութեան պայմանները, հրատարակէ մի ալբոմ. լուսանկարների ծախսերի հա-

մար Միութեանս օժանդակիչ անդամ. պ. ի. Ա. ֆրիկեան նուիրաբերել է 500 ռուբլի:

Ը.—Մրցանակաբաշխութիւն.

Վարչութիւննս դեկտեմբ. վերջերին ստացաւ երկու գրութիւն պ. Տիգրան Ա. ֆրիկեանից և պ. Արտաշէս Էնֆիաճեանից՝ միանման բովանդակութեամբ, որոնց մէջ գրութեան հեղինակները պատրաստակամութիւն են յայտնում վճարել տարեկան՝ պ. Տ. Ա. ֆրիկեան 500 ռուբ. իսկ պ. Ա. Էնֆիաճեան 250 ռուբ. գեղարուեստական մրցանակաբաշխութեան համար: Նուիրատունների ցանկութիւնն է, որ մրցանակ տրուի այնպիսի ժանրային նկարների, որոնց նիւթը վերցուած կը լինին հայ—ազգային պատմական կեանքից: Վարչութիւնս թէ՛ մամուլի մէջ և թէ՛ առանձին ուղերձ գրութեամբ յայտնելով իր շնորհակալութիւնը նուիրատու պարոններին, ճշակեց կանոններ այդ մրցանակաբաշխութեան համար և յայտնեց մամուլի մէջ, որ բոլոր հեռու և մօտիկ եղող հայ նկարիչները կարողանան մասնակցել: Որոշուեց 500 ռուբ. տալ լաւագոյն աշխատանքին որպէս ա. մրցանակ, իսկ 250 ռուբ. լաւին՝ որպէս բ. մրցանակ: Ժիւրին ընտրուելու է Թիֆլիսում գտնուող կարող գեղարուեստագէտներից՝ առանց ազգի խտրութեան: Մրցանակաբաշխութիւնը նշանակուած է դեկտմ. 30-ին: (1917 թ.):

Թ.—Փօնդ «Գեղարուեստական ցուն» շեմֆի համար.

Վարչութեանս գործունէութեան կարևորագոյն տեղերից մինը բռնելու է այն, որ որոշել է ապագայում Թիֆլիսում կամ բաւն հայկական վայրերից

մէկում կառուցանել մի շինութիւն, որը կը պարունակէ Միութեան ապագայ թանգարանը, գրադարանը, պատկերասրահը, գրասենեակը, բիւրօն և այլն: Փօնդ հիմնելու այս որոշումը կենդանութիւն ստացաւ երբ փետրուարի 15-ի Միութեանս կազմած բանկէտում պ. Հ. Ս. Մելիքեան խոստացաւ այդ նպատակի համար նուիրաբերել 5000 ռուբլի: Բայց նախ քան լայն շրջաններում այս մասին յայտարարելը և կամ գրաքննութիւն հանգանակելը, Միութեանս անդամներից ոմանք իրանք սկսեցին ստորագրել, որից և գոյացաւ 1000 ռուբլու չափ մի գումար:

Փ.—Կորուստներ.

Հայ Արուեստագէտների Միութիւնը իր գոյութեան առաջին իսկ տարում ունեցաւ զգալի կորուստներ իր իսկական անդամների մէջ. 1916 թուին երկաթուղային կատաստրոֆին զոհ դնաց ճարտարապետ Գարեգին Հալաճեանը, իսկ ապրիլի 30-ին Թիֆլիսում մեռաւ իր գործունեայ և եռանդուն անդամներից նոյնպէս ճարտարապետ Քրիստափոր Տէր-Սարգսեանը: Վարչութիւնս երկուսի էլ յիշատակը յարգելու համար որոշումներ ունի կայացրած:

Փ.Ա.—Նուիրաբերութիւններ.

Միութիւնս քացի իր հաշուեցուցակում յիշուած գումարներից, իր ապագայ թանգարանի համար նուէր ստացաւ մի պատկեր պրօֆ. Պալէնովից (Մոսկովա) որին և Վարչութիւնս ուղարկեց մի շնորհակալական ոճաւոր ուղերձ հայերէն և ռուսերէն լեզուներով:

ԺԲ.— Արտաքին գործունեություն.

Վարչութիւնս անցեալ տարեշրջանում ունեցել է հետեւեալ մասնակցութիւնը այլ և այլ հաստատութիւնների հետ և դէպքերի առթիւ:

Ա.— 1916 թ. յունիսին հրաւէր ստանալով Վեհ. Կաթողիկոսին ընդունելու կարգադիր մասնաժողովից մասնակցել ընդունելութեան հանդէսին, ներկայ է եղել ամբողջ կազմով:

Բ.— 1916-ի դեկտեմբերին հրաւէր ստանալով, մասնակցել է Հէնրիկ Սէնկեվիչի յիշատակին նուիրուած հանդիսին, ուղարկելով իր ներկայացուցիչը և ոճաւոր ուղեւոր:

Գ.— 1917 ի յունվարին հրաւէր ստանալով Վրաց Գեղարուեստական և Պատմա-Ազգագրական ընկերութիւններից՝ Վարչութիւնս ամբողջ կազմով ներկայ է եղել այդ ընկերութիւնների ջանքերով Փառաց Տաճարում յունվարի 8-ին ֆրեսկոների ցուցահանդէսի բացման և պրոֆ. Թադաշվիլիի դասախոսութեան:

Դ.— 1917 մարտի 31-ին Գեղարուեստը Խրախուսող Կովկասեան Ընկերութիւնից հրաւէր ստանալով, մասնակցել է ապրիլի 7-ին կայացած Կովկասեան արուեստագէտների խառն ժողովին, ուղարկելով իր ներկայացուցիչներն:

Ե.— 1917-ին ապրիլին Վարչութիւնս իր ամբողջ կազմով մասնակցել է բանաստեղծ Ծատուրեանի յուղարկաւորութեան և թաղման առթիւ եղած ծախսերին:

Զ.— Ապրիլի վերջերին Հայ Գրողների Ընկերութիւնից ստացուել է մի գրութիւն, որով նորակազմ Հայկազեան Ընկերութեան պէտքերի համար խնդրում էր ուղարկել նրանց հայ արուեստագէտների ցանկը. վարչութիւնս ուղարկել է բոլոր իրան յայտնի եղած հայ նկարիչների, ճարտարապետների և արձանագործների ցանկը:

ԱՌԱՋԻՆ ԸՆԴՀԱՆՈՒՐ ԺՈՂՈՎԻ ԱՐՁԱՆԱԳՐՈՒԹԻՒՆԸ

1916 թ. մայիսի 1-ին, ցերեկայ ժամ 12-ին, Արտիստական Ընկերութեան դահլիճում կայացաւ Թիֆլիսում նորերս կազմակերպւած «Հայ Արեսագէսների Միութեան» առաջին ընդհանուր ժողովը. ներկայ էին Թիֆլիսում գտնուող արուեստագէտների մեծամասնութիւնը՝ 24 հոգի (Նկարիչներ, ճարտարապետներ, քանդակագործներ), գեղարուեստի միւս ճիւղերի և գրականութեան ու մտաւոր—հասարակական բաւական թւով գործիչներ և բաղմաթիւ գեղարուեստասէր հիւրեր:

Ժողովը բաց արեց պ. Գ. Լեոնեան և հիմնադիրների կողմից ողջունելով ժողովականներին, առաջարկեց ընտրել ժողովի նախագահ և քարտուղար, աւելացնելով որ հիմնադիրների կողմից ղեկուցում անելու պատիւը տրուած է իրանց աւագ ընկերոջը՝ պ. Վ. Սուրէնեանցին: Ժողովը նախագահ ընտրեց պ. Շիրվարդադէին և քարտուղար՝ Գ. Լեոնեանին:

Պ. Շիրվարդադէ գրաւելով նախագահական աթոռը, առաջինը ողջունեց նոր ընկերութեան երևան գալը և մի գեղեցիկ ճառով պաշտպանելով այն միտքը թէ՛ չը կայ գեղարուեստ առանց հայրենիքի, հրաւիրեց պ. Վ. Սուրէնեանցին հիմնադիր անդամների կողմից անելու իւր ղեկուցումը:

Պ. Վ. Սուրէնեանց ընդարձակ կերպով բացատրելով այն շարժառիթը, որը դրդել է կազմակերպել մի այդպիսի ընկերութիւն, գեղարուեստը հայրենիք ունենալու և չունենալու մասին, բերեց մի շարք օրինակներ եւրոպական ազգերից, որ իւրաքանչիւր ազգ, իւրաքանչիւր ժողովուրդ ունեցել է և ունի իւր ուրոյն արուեստը, ուրոյն ոճը: Գալով հայ նկարչութեան, նա յիշեց մի քանի նշանաւոր անուններ մեր միջնադարեան նկարչութեան պատմութիւնից, խօսքը հասցնելով մինչև անցեալ դարի հռչակաւոր հայ նկարիչ Յովհաննէս աղա Այվազովսկին, որը, ղեկուցանողի ասելով, ցանկութիւն է ունեցել իր ժամանակին մի նման ընկերութիւն հիմնել: Այնուհետև ճառախօսը շեշ-

տեց թէ Թնչ նշանաւոր տեղ է գրաւում գեղարուեստի կիրառումը կրթական-դպրոցական կեանքում լուսաւոր երկրներում և թէ ինչ խոշոր դեր ունի կառարկելու մեր աղքատիկ կեանքում գեղարուեստական ընկերութիւնը՝ «եթէ միայն, վերջացրեց իր խօսքը յարգելի արուեստագէտը, սիրով եւ եռանդով գործին իմ ընկերները եւ հասարակութիւնն էլ սէր ունենալ դէպի այդ կուլտուրական հաստատութիւնը»:

Այնուհետեւ նախագահը դարձաւ ժողովակոհանքին, որ ըստ օրակարգի այդ գեկուցումից յետոյ ժողովը զբաղուելու է վարչութեան ընտրութեամբ, իսկ նախ քան ընտրութիւններին անցնելը ինքը կուզենար իմանալ թէ արդեօք ժողովականներից խօսելու ցանկութիւն ունեցող կ'այ թէ ոչ:

Ժողովականների միջից Արուեստագէտների Միութեանը առաջին ողջունական խօսքն ուղղեց պ. Յովն. Թումանեանը Հայ Գրողների Ընկերութեան կողմից՝ նա ասաց մօտաւորապէս հետեւեալը—

Ասում են «գեղարուեստը հայրենիք չունի».— Ի՞նչ այդ նախադասութեան բառերը տեղափոխենք, կարող ենք ասել «հայրենիքը գեղարուեստ ունի» եւ կ'ասեմ «այո»։ ազգերն ունեն իրանց գրականութիւնը, երաժշտութիւնը, ճարտարապետութիւնը, ինչպէս ամեն երկիր ունի իրա յատուկ կլիման, ուրեմն այդ արուեստներն էլ ունեն իրանց հայրենիքը։ Իւրաքանչիւր ազգի մէջ ուրոյն ձեով է զարգանում և ուռճանում գեղարուեստի այս կամ այն ճիւղը։ Մեր ազգի մէջ, այս դառն օրերին—շարունակեց ճառախօսը—ես նկատում եմ վերածնունդ, և այդ շատ մեծ երեւոյթ է մեր կեանքի կենսունակութեան համար։ Սրտառուչ է մանաւանդ այն հանգամանքը, որ այս ընկերութեան հիմնադիրների թւում մինք տեսնում ենք «գաղթական» նկարիչներ, որոնց նկարներն, ով գիտէ, դու պատերազմի դաշտերումս ու ճանապարհներին են բնկած։ Ուրեմն ողջունելով մեր ազգի կենսունակութիւնը ողջունում եմ և այս նոր ընկերութիւնը, ցանկանալով միևնոյն ժամանակ, որ նա չը տեսնի այն դառն օրերը, ինչ վիճակուեց տեսնել մեր միւս ընկերութիւններին։

Պ. Ե. Լալայեան խօսեց Հայոց Ազգագրական Ըն-

կերութեան կողմից։ Մի ազգի յարատե գոյութիւնը ապահովուած է, եթէ այդ ազգն ունի երկու գիտակցութիւն՝ կուլտուրական և ազգային ինքնուրոյն դարգաժան։ Կենսունակութեան մշտավառ հուրը այդ երկու գիտակցութեան յարաձուռն ընթացքն է։ Եթէ նոյն իսկ բոյսերը իրանց միջավարում կարող են ուռճել և զարգանալ, ով կարող է ժխտել որ մեր արուեստն էլ իր ինքնուրոյն և հարազատ զարգացման համար իր միջավայրը պիտի ունենայ։ Հայոց գեղարուեստ, հայ ճարտարապետութիւն եղել է և կայ, և եթէ մենք անգիտակից ենք, դա մեր տգիտութիւնիցն է, որ նշանակում է թոյլ է մեր ազգային ինքնագիտակցութեան զաղափարը։ Նոր ընկերութեան առաջ բաց է գործունէութեան լայն աստարեզ, ցանկանանք յարատեութիւն և եռանդ։

Պ. Հ Առաքելեան, «Մշակը» իւր գոյութեան ընթացքում միշտ խրախուսել է գեղարուեստը և մանաւանդ հայ գեղարուեստը։ Այստեղ «գեղարուեստը հայրենիքը չունի» առացուածքին այլ բացատրութիւն են տալիս, ես հասկանում եմ այսպէս, որ եթէ ասում են «արուեստը չունի հայրենիք» նշանակում է նա հաւասարապէս մատչելի է բոլոր ազգերին, այնքան մեծ է նրա նշանակութիւնը և վեհ՝ որքան լեզուն։ Մնշուշտ իւրաքանչիւր ազգ իւր արուեստն ունի և պէտք է որ ունենայ, իւր ազգի արուեստը չը սիրողը, չը գնահատող մարդը չի կարող ըստ արժանոյն գնահատել օտար, ընդհանուր արուեստները, ինչպէս որ իւր ընտանիքը իւր ազգը չը սիրող մարդը չի կարող անկեղծ կօմօպօլիտ, մարդասէր լինել։ Ողջունում եմ նոր ընկերութիւնը, որը նուիրուած պիտի լինի մայրենի գեղարուեստի շահերին և ծառայելով մայրենի գեղարուեստին օգտակար կը լինի ընդհանուր կուլտուրական կեանքին։

Գաբրիել վարդապետ. Ես սոսկ մի անհատ, հայ եկեղեցու մի պաշտօնեայ, շնորհաւորում եմ այս նոր ընկերութեան հիմնուելը, մի ընկերութիւն, որ իրան նուիրելու է հայ կեանքի մէջ գեղեցիկ արուեստները կիրառելու գործին։ Բարին, գեղեցիկը, ճշմարտութիւնը իրանց յարակից ունին գիտութեանը, կրօնը

և գեղարուեստին: Այս բոլորը ծագում են մի արմատից և այդ արմատը մարդկային հոգին է: Կրօնը բարձրագույն գեղարուեստն է, գեղեցիկ, ճշմարտի պաշտամունքը: Թող նոր ընկերութիւնը կարողանայ հայ ժողովրդի մէջ գեղեցկի ստեղծագործութեան տարերքը դարձնել միշտ բարձր պահելով բարու ազնիւի և գեղեցկի դրօշակը:

Բժ. Ա. Զարգարեան. Կովկասի Հայոց Հրատարակչական Ընկերութեան կողմից ողջունական խօսքեր ասելով, գտաւ որ իրանց Ըկերութիւնն այսուհետև ուրախ կապ է ունենալու Հայ Արուեստագէտների Միութեան հետ, գեղարուեստական շքեղ հրատարակութիւններ լոյս ընծայելու գործում:

Պ. Գ. Էդիբեան (մանկավարժ), իր ուրախութիւն ու շնորհաւորանքն յայտնեց նոր ընկերութեան, առարկելով որ դպրոցական կեանքում շատ մեծ գործ է կատարում գեղարուեստական դաստիարակութիւնն ու կրթութիւնը, և ինքը միշտ կողմնակից է եղել որ դպրոցի դռները լայն բաց արուի գեղարուեստի առաջ:

Պ. Սպ. Մելիքեան. Հայ երաժշտական Ընկերութեան կողմից համակրական խօսքեր ուղղելով նոր ընկերութեան, կասկած յայտնեց հասարակութեան այսպիսի ջերմ վերաբերմունքի յարատևութեան մասին: Նա օրինակ բերեց երաժշտակ. Ընկերութեան առաջին ընդ. ժողովը, որը նոյնպէս բազմամարդ էր, ուր նոյնպէս շնորհաւորանքների և ողջոյնների ճառեր ասուեցին, բայց երկրորդ ժողովներին մնացել էին միայն վարչութեան անդամները: Պ. Մելիքեան յորդոր կարգաց հասարակութեան, որ միշտ հետաքրքրուի իր կուլտուրական ընկերութիւնների կեանքով և չը թողնի որ ամբողջ դործի ծանրութիւնը ճնշի պաշտօնական անձերին:

Քօսեցին նոյնպէս նկարիչներ Ա. Շահմազեան և Հ. Յակոբեան, որոնք անելով իրանց գիտողութիւնները, ցանկութիւն յայտնեցին ընկերութեան առաջադիմութեան համար:

Նշան և այլ խօսողներ, որոնց թւում պ. Պ. Աբելեան ուշադրութիւն հրաւիրեց այն կարևոր հանգամանքի վրայ, որ մեր հասարակական կեանքում ոչ մի

բան այնպէս լաւ չի կազմակերպուած ինչպէս՝ հայերի օտարացման գործը, և ոչ մի բանում մենք այնքան համերաշխ չենք որքան հայութիւնից հեռու փախչելու մէջ... այս առթիւ է որ վերին աստիճանի ուրախալի և գոհում այնպիսի մի կուլտուրական ազգային ընկերութեան երևան գալը և ջերմագին ողջունում:

Ուսուցիչ Յ. Աղաբաբեան շնորհաւորելով հայ դպրոցների կողմից, ցաւ յայտնեց որ նոր ընկերութեան հիմնադիրները անտես են առել մեր ծխական դպրոցների նկարչութեան ուսուցիչներին և վարժուհիներին և նրանց չեն հրաւիրել ժողովի:

Հիմնադիրների կողմից պ. Թերեմեզեան բացատրեց որ լրագիրներում յայտարարուած էր, որ հրաւիրուած են բոլոր արուեստագէտները, իսկ ով նրանցից ուզում է մտնել ընկերութեան մէջ, որպէս իսկական անդամ, բաւական է որ նրան որպէս նկարիչ ճանաչեն և յանձնարարեն կօմիտէի անդամներից միայն 2-ը:

Պ. Նախագահը փակեց խօսողների ցանկը, պ. Աղաբաբեանի դրած հարցը համարելով ուշադրութեան արժանի և արձանագրել տուեց, որ կօմիտէն աչքի առաջ ունենայ այդ խնդիրը:

Այնուհետև պ. Շիրվանզադէն կարգաց այն գրութիւնները, որոնք ստացուել են թէ օտար քաղաքացիներից և թէ Թիֆլիսի այն արուեստագէտ ընկերներից, որոնք չեն կարողացել ներկայ գտնուել, բայց համակրանք են յայտնում և յաջողութիւն ցանկանում նոր Միութեան: Այդ նամակների թւում կային ճարտարապետ Թ. Թօրամանեանի, նկարիչներ Ա. Ֆետվաճեանի և Վ. Գայֆէճեանի գրութիւնները: Շնորհաւորական և խրախուսանքի նամակներ ուղղել էին նաև երաժշտագէտ Յ. Տէր-Դաւթեան, պ. Տ. Նազարեան և արիկ. Զար. Զաւրեան:

Պ. Նախագահը յայտնեց ժողովականներին որ մշտական օժանդակ-անդամներ գրուելով վճարել են ընկերութեան՝ պ. Խ. Աֆրիկեան իր ամուսնու հետ 300 ռբ. պ. Ն. Մելիքեան 100 ռբ. տ. Ի. Թայրեան 50 ռուբլի, և Լ. Ղուկեան 15 ռուբլի:

Ժողովի հարցերն սպառուած համարելով պ. Նա-

խազանը կանոնադրութիւնից կարգաց ընտրութիւն
ներին վերաբերեալ կէտերը և ժողովականներին հրա-
ւիրեց անցնել ընտրութեան գործին: Ընտրուելու էին
կօմիտէի (վարչութեան) 5 անդամ և 2 փոխանդամ, վերա-
ստուգիչ Յանձնաժողովի 3 անդամ և 2 փոխանդամ:

Ժողովին ներկայ եղող իսկական անդամներից
ընտրութիւններին մասնակցում էին 19 հոգի. պ.
Ջ. Սուրէնեան մշտական բնակութիւն հաստատած
լինելով Թիֆլիսից Ղուրս, հրաժարուեց քուէարկուե-
լուց:

Դադեսի բուհարկութեամբ վարչութեան անդամներ
ընտրուեցին՝

- 1) պ. Եղիշէ Թաղէոսեան 17 ձայնով
- 2) » Դաւիթ Զիւլեան 17 ձայն (կրկ. քուէար.)
- 3) » Գարեգին Լեւոնեան 16 ձայն
- 4) » Փանոս Թերլեմզեան 15 »
- 5) » Գրիգոր Շարքաբչեան 15 »

Փոխանդամներ ընտրուեցին

- 1) պ. Միքայէլ Խունունց 14 ձայն
- 2) » Մարտ. Սարեան 13 »

Վերաստուգիչ Յանձնաժողովի անդամներ ընտրուեցին

- 1) պ. Սարգիս Խաչատրեան 15 ձայն
- 2) » Վրթանէս Ախիկեան 14 »
- 3) » Համբ. Կարապետեան 14 »

Փոխանդամների ընտրութիւնը չըկայացաւ պակաս
ձայներ ստանալու պատճառով:

Ժողովականները վերջում շնորհակալութիւն յայտ-
նեցին նախագահող պ. Շիրվանզադէին և սկսեցին
ցրուել մօտ ժամ 3-ին:

Նախագահ Ընդհանուր Ժողովի՝

Շիրվանզադէ

Քարտուղար՝

Գ. Լեւոնեան

ՀԱՅ ԱՐՈՒԵՍՏԱԳԵՏՆԵՐԻ

ՄԻՈՒԹԵԱՆ

Հ Ա Շ Ի Ի Ը

Հայ Արուեստագէտների Միութեան Ինվետարը
առ 1 մայիս 1917 թ.

ԳՈՅՔ (Active)

	ր.	կ.	ր.	կ.
Առձեռն դրամ	131	89		
Երկր. վարկի ընկ. ընթ. հաշ.	4900	—	5031	89
Շարժ. գոյք (առանձին ցուցակ.)			680	—
Մրցանակներ	500	—		
Ա.Ֆ.Բրկեան Տիգր.	250	—	750	—
Էնֆիւռան Արտ.			6461	89

ՊԱՐՏՔ (Passive)

	ր.	կ.	ր.	կ.
Դրամադրուխ	5711	89		
Մրցանակներ	750	—	6461	89

Վերասուզիչ յանձնաժողովի անդամներ՝

Ճարտարապետ	Հ. Կարապետեան
Նկարիչ	Ս. Խաչատրեան
»	Վ. Ախիկեան
Նախագահ՝	Ե. Թադէոսեան
Գանձապահ՝	Գ. Շարքաբչեան

**ՀԱՅ ԱՐՈՒԵՍՏԱԳԷՏՆԵՐԻ ՄԻՈՒԹԵԱՆ 1916—17 ՏԱՐԵՇՐՋԱՆԻ ԳՈՐԾՈՒՆԷՈՒԹԵԱՆ
ՀԱՇԻԻ**

ՄՈՒՏՔ

I ԴՐԱՄԱԿԱՆ ՇՐՋԱՆԱՌՈՒԹԻՒՆ 1916—1917 ՏԱՐԵՇՐՋԱՆԻ

ԵԼՔ

ԱՆԴԱՄԱՎՃԱՐՆԵՐԻՑ	Իսկական	190	—		
	Օժանդակիչ	790	—	980	—
	Ա. ֆրիկեան Խ. Տ.	1000	—		
	» » »	500	—		
	» » »	200	—		
ՆՈՒԷՐՆԵՐԻՑ	Մեղիքեան Հ. Ս.	100	—		
և	Էնֆիաջեան Մ.	100	—		
ԿՏԱԿՆԵՐԻՑ	Բուենիաթեան Մ.	100	—		
	Մեղիքեան Ա. Պ. յիշ.	50	—		
	Սարեան Մ.	25	—		
	Ղուկեան Լ.	15	—		
	Գիւրջեան Յ.	3	—	2093	—
Դասախօսութիւնից				33	60
°/° Երկր. Վարկի ընկ.				12	50
Ցուցահանգէսից (մաքուր եկամուտ)				2883	39
				6002	49

Լուսանկարներ և նկարաւիճակներ	483	—		
Կլիշէներ և կնիք	20	—	503	—
Մրցանակներ			150	—
Յայտարարութիւններ լրագրական			74	—
Տպագրական ծախքեր			68	75
Դասախօսութեան ծախքեր			60	—
Դիւանական »			56	—
Բաժանորդագրութիւն			10	—
Փոստ հեռագիր և ուրիշ մանր ծախքեր			48	85
Դրամարկից ֆինացորդը առ 1-մայիս 1917 թ.				
Առձեռն դրամարկ	131	89		
Երկր. Վարկի ընկ. ընթ. հաշուով	4900	—	5031	89

Մուտքի տոմսակների վաճառումից

0/0 0/0 նկարների վաճառուից

[illegible]

Դրամարկդի մնացորդը առ 1 մայիս 1917 թ.

Առձեռն դրամ

Երկր. Վարկի ընկ. մէջ ընթ. հաշւով

40 իսկական անդամներից

60 օժանդակիչ »

5 մշտական »

Դասախօսութիւններից

Ցուցահանդէսից

Նուէրներից

Միութեան դումարների % %

Մրցանակի դումարներից

Գեղարուեստական ալբոմի վաճառումից

131	89		
4900	—	5031	89
		200	—
		600	—
		500	—
		300	—
		2000	—
		1000	—
		200	—
		750	—
		3000	—
		13581	89

Բնակարանի վարձ տարեկան

Բոճիկներ } Գործավար 720 —
Ծառայ 280

Լուսաւորութիւն և վառելիք

Դասախօսութեան ծախքեր

Դիւանական ծախքեր

Պոստ-հեռագիր

Տպագրութիւն, լրագրական յայտար.

Գեղարուեստական հանդէսներ և գրքեր

Մրցանակի դումարներ

Կազմակերպուելի արհեստանոցի նախա-

պատրաստական ծախքեր

Ալբոմի հրատարակութեան ծախս

Ճարտարապետական սեկցիային

Յաւելում

1200	—
720	—
280	—
1000	—
150	—
150	—
100	—
50	—
300	—
300	—
750	—
1000	—
2000	—
500	—
7650	—
5931	89
13581	89

ՎԵՐԱՏՏՈՒԳԻՉ ՖԱՆՇՆԱԺՈՂՈՎԻ

ՋԵԿՈՒՅՈՒՄԸ

Մենք վերաստուգիչ ժողովի անդամներս քննելով Հայ Արուեստագեսների Միութեան մուտքի և ելքի բոլոր հաշիւները, այսինքն այն գումարները, որոնք Ընկերութեան Վարչութիւնը ստացել է և ծախսել է 1916—17 թուի ընթացքում մինչև ապրիլ 20-ը, ստուգեցինք և գտանք, որ կատարուած են, համաձայն Ընկերութեան կանոնադրութեան, ուղիղ կերպով, և հաշուեյարդարումը անսխալ և կատարեալ:

ձառաջ.	Հ. Կարսապետեան
Նկարիչ	Ս. Խաչատրեան
«	Վ. Ախիկեան

ՀԱՅ ԱՐՈՒՍՏԱՆԻՑՆԵՐԻ ՄԻՈՒԹԵԱՆ ԱՄՐՈՂՋԱԿԱՆ

ԿԱԶՄԸ

ՎԱՐՉՈՒԹԻՒՆ

Անդամներ՝	Եղիշէ Թաղէոսեան նախագահ
	Դաւիթ Չիսլեան փոխ-նախագահ
	Գարեգին Լեւոնեան քարտուղար
	Գրիգոր Շարբարչեան գանձապահ
	Փանոս Թէրլէմէզեան
Փոխ-անդամներ՝	Մարտիրոս Սարեան
	Միքայէլ Խոննունց
ՎԵՐԱՍՏՈՒԳԻԶ	ՅԱՆՁՆԱԺՈՂՈՎ՝
	Համբարձում Կարապետեան
	Սարգիս Խաչատրեան
	Վրթանէս Ախիկեան

ԻՍԿԱԿԱՆ ԱՆԴԱՄՆԵՐ

Արիստղոմեան Միքայէլ	Թիֆլիս
Ախիկեան Վրթանէս	»
Աղաջանեան Ս.	Նոր-Նախիջ.
Այվազեան Ա.	Մոսկվա
Արծաթբանեան Հմյկ.	Ն.-Նախիջեան
Գաբայեան Ստեփան	Թիֆլիս
Գայֆէճեան Վահրամ	Ախալցխա
Գէորգեան Սօֆիա	Մոսկվա
Գիւրճեան Յակոբ	»
Երկանեան Սարգիս	Թիֆլիս
Զուրաբեան Պողոս	»
Թաղէոսեան Եղիշէ	»
Թայրեան Սվետլանա	»
Թէրլէմէզեան Փանոս	»
Թօրամանեան Թորոս Ալէքսանդրապոլ	
Լեւոնեան Գարեգին	Թիֆլիս
Խաչատրեան Սարգիս	»
Խոննունց Միքայէլ	»
Կարապետեան Համբարձում	»
Կեպրեան Գրիգոր	»
Հազարապետեան Լեւոն	Էջմիածին

Հալաճեան Գարեգին	Թիֆլիս
Մարգարեան Կոստանդին	»
Մելիք-Կարապետեան Տ.	»
Միանաբեան Գէորգ	»
Միրզոյեան Ալէքսանդր	»
Միքայէլեան Միքայէլ	»
Յակոբեան Հմայեակ	»
Յովհաննիսեան Յովակ.	Նոր-Նախիջ.
Շանմազեան Առսէն	Թիֆլիս
Շարբարչեան Գրիգոր	»
Չիսլեան Դաւիթ	»
Պատկանեան Եղիսարէթ	»
Սարեան Մարտիրոս Նոր-Նախիջեան	
Սուրէնեանց Վարդգէս Պետրոզորադ	
Տարապրոս	»
Տէր Մարութեան Անդր.	Պարիզ
Տէր-Միքէլեան Գաբր.	Թիֆլիս
† Տէր-Սարգսեան Քրիս.	»

ՕԺԱՆԴԱԿԻԶ ԱՆԴԱՄՆԵՐ

Աբուլեան Գէորգ
Անանեան Վլադիմիր
Առաքելեան Համբարձում
Ասլամազեան Նինա
Իշխ. Արղուիթեան Երկայնաբազ. Բօրիս
Արուսեան Թէոս (Բաղու)
Աւան-Իւզրաշեան Դաւիթ-Խան
Աւան-Իւզրաշեան Տիկին
Աֆրիկեան Խաչատուր
Աֆրիկեան Եղիսարէթ
Բէրբէրեան Մինաս
Բէրբէրեան Մարիամ
Բունիաթեան Մենտոր
Գայֆէճեան Պերճ
Գարեգին Եպիսկոպոս
Գէորգեան Մամիկոն
Գիւզալեան Տիգրան
Զարգարեան Արիստակէս բժ.
Զարգարեան Ստեփան

Զաւրեան Դաւիթ
 Զաւրեան Զաբէլ
 Էդիլեան Գուրգէն
 Էնֆիաճեան Գրիգոր
 Թայիրեան Իւլիա
 Թումանեան Յովհաննէս
 Խաախեան Աշխէն
 Ղորղանեան Եղիսաբէթ
 Ղորղանեան Անտոն
 Ղուլեան Լևոն
 Մատէնճեան Մամբրէ
 Մարտիրոսեան Հայկանոյշ
 Մելեան Արմանոյշ
 Մելիքեան Համբարձում
 Միրիմանեան Ալէքսանդր
 Յարութիւնեան Արմենակ
 Շիրվանզադէ
 Պապովեան Ալէքսանդր
 Պոնդոյեան Գարրիէլ
 Սողոմոնեան Սուրէն
 Սողոմոնեան Օլգա
 Սպենդիարեան Իւլիա
 Տէր-Սարգիսեան Սամսոն
 Վահանեան Հմայեակ
 Փրիդոնեան Լևոն
 Փրիդոնեան տիկին

Նախագահ վարչութեան՝

Եղիշէ Թադէոսեան

Անդամ եւ քարտուղար՝

Դարեկին Լեւոնեան

ՄՄ Հայագիտական գրադարան



MAL011786

